

Et trop es liures met sa cure
 En deuiet souuent incense
 Aussi chacun est dispense
 Soit bien lettre scauant ou non
 De porter de seigneur le nom
Item ie puis en mon lieu mecte
 Quelcun soit en prose ou en metre
 Qui prendra bien la patience
 Daprendre pour nous deuy science
 Et se pres clerks et litterez
 Ne voy ie leur concederez
 Leur dire soit tart ou matin
 Affin de ne parler latin
 Et que deulx ne soyent repris
 De ce que iay si mal appris.

Prouerbio
 rum.v.

Docteurs qui le nom auez
 De scauoir et riens ne scauez
 Pour euitier tous vituperes
 Contemplez que iadis noz peres
 Dont les corps sont mors et periz
 Qui furent es droiz si peritz
 Leur grant science ne comprindrent
 En ces beaulx liures ains saprindrent
 D'ung bon et desireux courage
 Sans auoir lesprit si d'ollage
 Comme les clerks de maintenant
 Dont leur est bien appartenant
 Porter par choses non pareilles
 Des asnes les grandes oreilles

Des bons conseilz

Le conseilier qui ne concerne
 Son estat et improbite
 Et des maulx des aultres discerne
 Par merueilleuse grauite
 Est vng grant foul en verite
 Et besche d'ung pourceau la fousse
 Et par apres dedens le pouffe

Prouerbio
 rum.v.



Ceulx qui veussent auoir entree
 Du senat pour en leur contree
 Honneur auoir et reuerence
 Du peuple par grant preference
 Ce sont ceulx qui scauent le mains
 Et les droiz ciuilz et humains
 Naturelz diuins canonicques
 Et les bons conseilz verifiqués
 Mussent par parolles vmbreuses
 Et vont par voyes tenebreuses

Ecc. ij

Estre sur la terre souloient
 Conseiliers peritz qui scauoient
 Entretenir choses licites
 Et les mauuaisties illicites
 Pugnir trescanonicquement
 Mais cil a le gouuernement
 Du conseil qui ne scauroit pas
 Euitier quelque mauuais pas
 Ne deslier le neu lye